

## **Qeqqata Kommuniani qimmeqarnermi ileqqoreqqusaq**

Qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaat nr. 18, 30. oktober 1998-imeersumi § 13-imi imm. 1 aamma § 28-mi imm. 2 aamma 4 naapertorlugit, Inatsisartut inatsisaatigut nr. 23-atigut, 22. novembari 2011-mi kingullertut allangortinnejartumi aalajangerneqarpoq:

### **Kapitali 1**

*Aallaqqaasiut*

**§ 1. Ileqqoreqqusaq Qeqqata Kommunianut atuuppoq.**

*Imm. 2. Nunap immikkoortortaa qimminik qimuttoqarfiusoq qimmuttoqarfiusinnginnersorluunniit, Qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaat atuuttoq naapertorlugu aalajangerneqartarpooq.*

### **Kapitali 2**

*Qimminik qimuttoqarfius iluani avataanilu ataatsimoortumik aalajangersakkat*

**§ 2. Qeqqata Kommuniani kommunalbestyrelsi allakkatigut akuersissuteqaqqaartillugu Qeqqata Kommuniani qimmeqartoqarsinnaavoq.**

*Imm. 2. Qimmeqarsinnaanermut akuersissummik qinnuteqaat, Qeqqata Kommuniani Teknikkimut Avatangiisinullu Immikkoortortamut nassiunneqassaaq.*

*Imm. 3. Akuersissut tunineqartuinnarmut atuuppoq, allanullu tunniunneqarsinnaanani.*

*Imm. 4. Ileqqoreqqusamik matuminnga annertuumik arlaleriarlutilluunniit unioqqutsitsisimasunut, qimmeqarsinnaanermut akuersissummik tunniussinnginnissaminik kommunalbestyrelsi aalajangiisinnaavoq.*

**§ 3. Maleruagassat qaqugukkulluunniit atuuttut naapertorlugit qimmit akiuussutissamik kapineqarsimassapput.**

*Imm. 2. Qimminik nakkutilliisup uppermarsaat, akiuussutissamik kapitisisimanermut immersorsimasaa imaluunniit akiuussutissamik kapitissimaneranut uumasut nakorsaata uppermarsaataa uppermarsaatitut atorneqassaaq.*

*Imm. 3. Perlerorsinnaanermut akiuussutissamik kapitissimanermut uppermarsaammik takussutissartalimmik qimmit qungasequteqartinneqassapput.*

*Imm. 4. § 3-mi imm. 3-mi taaneqarluni perlerorsinnaanermut akiuussutissamik kapitissimanermut uppermarsaatip tunuatungaani piginnittup oqarasuaataata normua kigartorlugu allanneqarsimassaaq.*

*Imm. 5. Kigartuut qimminik nakkutilliisumut imaluunniit Teknikkimut Avatangiisinullu Immikkoortortap allatseqarfianut attarsiniarneqarsinnaavoq.*

**§ 4.** Qimmilivinnik inissiineq, aqqusinernut, suliffeqarfinnut il.il. ungasissusissatut aalajangersakkat, qaqgukkulluunniit qimmeqarnermi pilersaarutitigut tunngavissani atuuttut atuupput.

*Imm. 2.* Illut tungaannut aqqutinut qimmit akornutaanngitsumik pitunneqarsimassapput.

**§ 5.** Qimmit panertumik nallavissaqartinneqassapput, soorluttaaq imissaqartinneqartuassasut imaluunniit aputitugassaqassasut.

### Kapitali 3

*Qimminik qimuttoqarfiup avataani*

**§ 6.** Qimminik qimuttoqarfiup avataani qimmit kinguaassiortinneqaqqusaanngillat.

*Imm. 2.* Qimmit arnavissat qimminik qimuttoqarfiup avataaniittut nakorsaatitortinneqarnerisigut pilatsinneqarnerisigulluunniit kinguaassiorsinnaajunnaarsinnejqarsimassapput.

*Imm. 3.* Sulitilluni qimmit kiisalu politiit qimmii piumasaqaammut tassunga ilaatinneqanngillat.

*Imm. 4* Qimmip arnavissat kinguaassiorsinnaajunnaarsinnejqarsimanera, qimmimik piginnittup imm. 2 naapertorlugu kommunimut uppermarsarsinnaassavaa.

**§ 7.** Qimmit tamarmik pitussimatinneqassapput, mattusimatinneqassapput, ungalusaniisinneqassapput pituutaqartinneqassallutilluunniit.

*Imm. 2.* Sulitilluni qimmit nakkutigisat, qimmit illoqarfiup killeqarfiata avataani sunngiffimmi sammisanut atatillugu nakkutigisamik atorneqartut kiisalu qeqertani qimmilivissatut akuerineqarsimasuni qimmit imm. 1-im i alajangersakkamut ilaatinneqanngillat.

**§ 8.** Qimmeqarsinnaanermut allakkatigut akuersissut piginnittumit tigummineqartassaaq, piumasarineqartillugulu takutinnejqartassalluni.

**§ 9.** Qimmit pitussimattuarneqarnissaat inerteqquataavoq.

*Imm. 2.* Qimmeq pituutaqaruni, pituutaa minnerpaamik 5 meterinik takitigissaq, qimmerlu qanoq ilisukkut qungasequtaatigut pituussaarneqarsinnaassalluni.

*Imm. 3.* Qungasequtit qimissutaasinnaasut atorneqaqqusaanngillat.

*Imm. 4.* Qungasequtit kapinartullit atorneqaqqusaanngillat.

*Imm. 5.* Qimmip pituutaa minnerpaamik marlunnik qissaruteqartinneqassapput.

*Imm. 6* Aputeqassuseq aallaavigalugu pituuttag takissusaa iluarsineqarsinnaassaaq.

### Kapitali 4

*Qimminik qimuttoqarfiup iluani*

**§ 10.** Qimmeqarneq pillugu kommunip pilersaarusrfigineqarnerani tapiliussami sukkulluunniit atuuttumi qimmilivinni qimmeqartoqarsinnaavoq.

*Imm.* 2. Nunatat ukiup ilaani tasinnguuttartut, tasinnguunnerini qimmilivigineqaqqusaanngillat.

*Imm.* 3. Pilerautitigut tunngavitsigut qaqugukkulluunniit immikkoortinneqarsimallutik qeqertani qimmilivissatut akuerineqartuni, qimmit maajip aallaqqaataanit oktobarip aallaqqaataata tungaanut qeqertaniitinneqarsinnaapput.

**§ 11.** § 2-mi imm. 1-im, 2-mi 3-milu akuersisummut tapertaliullugu qimmilivissamut nunaminertamik atugassinneqarnissamik qinnuteqartoqassaaq.

*Imm.* 2. Qimmilivissamut nunaminertamik atugassinneqarnissamik qinnuteqaat Qeqqata Kommuniani Teknikkimut Avatangiisinullu Immikkoortortamut nassiunneqassaaq.

*Imm.* 3. Akuersissut tunineqartuinnarmut atuuppoq, allanullu tunniunneqarsinnaanani.

*Imm.* 4. Qimmilivissatut nunaminertamik atugassiinerni nunaminertaq atugassiissutigineqartoq, matumani qimmit, quit qimmiliviillu ungalusat ilanngullugit pillugit nassuaammik ilaqtinneqartarpoq.

**§ 12.** Qimmini tamani, qimmeqatigiinniluunniit, qimmimik qimminilluunniit piginnittup aqqa oqarasuaataatalu normuanik allagartaqartinneqarnissaat qimmiutillip isumagissavaa. Teknikkimut Avatangiisinullu Immikkoortortamut saaffiginnissuteqarnikkut, allagartat tunniunneqartarput.

*Imm.* 2. Qimmiutilik aallaqqappat pissarsiarineqarsinnaanngippalluunniit, attavigineqarsinnaasup aqqa oqarasuaataatalu normua allagartamut ilanngunneqarsimassapput.

**§ 13.** Nunaminertat qimmilivissatut atugassiissutigineqarsimasut salinneqartassapput takujuminartuutinneqartuassallutillu.

*Imm.* 2. Nunaminertat atugassiissutigineqarsimasut eqqiluinnissaat takujuminartuutinneqarnissaallu qimmiutillip pisussaaffigaa.

**§ 14.** Qimmiqqat arfinilinnik qaammateqalereersut tamarmik pitussimatinneqassapput, mattusimatinneqassapput, ungalusaniisinneqassapput pituutaqartinneqassallutilluunniit.

*Imm.* 2. Sulitilluni qimmit nakkutigisat, qimmit illoqarfip killeqarfia avataani sunngiffimmi sammisanut atatillugu nakkutigisamik atorneqartut kiisalu qeqertani qimmilivissatut akuerineqarsimasuni qimmit imm. 1-im, aalajangersakkamut ilaatinneqanngillat.

**§ 15.** Qimmiq pitoqqasup pituutaa minnerpaamik 3 meterinik takitigissaaq, qimmerlu qanoq ilisukkut qungaseqtaatigut pituussaardeqarsinnaassalluni.

*Imm.* 2. Qungasequtit qimmissutaasinnaasut atorneqaqqaanngillat.

*Imm.* 3. Qungasequtit kapinartullit atorneqaqqaanngillat.

*Imm. 4.* Qimmit pitoqqasut, pituutaq siaaqatillugu imminnut minnerpaamik 1 meterimik ungasitsigissapput.

*Imm. 5.* Qimmip pituutaa minnerpaamik marlunnik qissaruteqartinneqassapput.

*Imm. 6.* Qimmit kisimiittut pituutaat, minnerpaamik 5 meterimik takitigissapput.

*Imm. 7.* Qimmit kisimiittut pitussimatittuarneqarnissaat inerteqqutaavoq.

*Imm. 8.* Aputeqassuseq aallaavigalugu pituuttap takissusaa iluarsineqarsinnaassaaq.

*Imm. 9.* Qimmiaqqat qaammatinik arfinilinnik utoqqaatigilernissami tungaannut angalaannartinneqarsinnaapput, taamaakkaluartorli Teknikkimat Avatangiisinullu Immikkoortortami nalunaarsorneqarsimassallutik.

**§ 16.** Qimmit naartusut milutsisisullu sukkulluunniit akornutitaqanngitsumik illuaqqamut isersinnaatillugit inissinneqanngikkunik pitunneqassapput, soorluttaaq imissaqartinneqartuassasut imaluunniit aputitugassaqartinneqartuassasut.

*Imm. 2.* Qimminut naartusunut milutsisisunulluunniit qimmiaqqanullu illuaqqat, qimmilivilluunniit ungalusat qajannaatsullutillu inissaqarluassapput. Illuaqqat anorimut, sialummut apummullu illersuutaasinnaassapput. Qimmit namminneq anillassinnaajunnaarlugit ungalut suliarineqassapput.

## Kapitali 5

*Qimminik nakkutilliisoq aamma qimmit angalaannartut, pigineqanngitsut kiisalu qimminik qimuttoqarfiup iluani avataanilu unioqqutitsisumik qimminik eqqussineq pillugu nalinginnaasumik aalajangersakkat*

**§ 17.** Tullinnguuttunik suliaqarnissamik akisussaasussanik qimminik nakkutilliisumik imaluunniit nakkutilliisunik communalbestyrelsi toqqaassaaq:

- 1) qimminik piginnittunik nalunaarsuinerit,
- 2) qimminik angalaannartunik pigineqanngitsunillu kiisalu unioqqutitsisumik eqqussanik toqtsinerit tigusinerilluunniit, takuuk § 18,
- 3) qimminik akiuussutissamik kapuuinerit,
- 4) akiuussutissamik kapuuinernik, kapuutillu uninngasuutit nalunaarsorneqarnerat kiisalu taakku uumasut nakorsaannut nalunaarutigineqartarnissaat, aammalut
- 5) nunaminertani qimmilivissatut atugassiissutigineqartuni pitutsivissanik qillerinerit.

**§ 18.** Qimmit angalaannartut aamma qimmit pigineqanngitsut kiisalu qimmit unioqqutitsisumik eqqussat qimminik nakkutilliisunut aatinneqartassapput.

*Stk. 2.* Uumasunik imm. 1-imí taaneqartunik piginnittoq, pissutsinik iluarsiissuteqarnissaanut piffissalerlugu siumut ilisimatinneqassaaq. Ullunik pingasunik siumut ilimasaaruteqarneq naammattutut isigineqarpoq. Piffissaliunneqartup iluani pissutsit iluarsiivigineqarsimanngippata, siumut ilisimatitsinertaqanngitsumik piginnittumullu taarsiissutitaqanngitsumik qimmeq toqunneqassaaq.

*Stk. 3.* Qimmeq angalaannartoq allanut ulorianartorsiortitsippat, piginnittumut taarsiissutitaqanngitsumik ingerlaannartumik toqunneqassaaq.

*Stk. 4.* Qimmeq angalaannartoq qimminik nakkutilliisumit tiguneqarpat, qimminik piginnittooq aallersinnaatillugu qimmeq kommunip qimmiliviutaanut pitunneqassaaq. Qimminik nakkutilliisup qimmimik piginnittooq attavigissavaa, ullullu pingasut qaangiutsinnagit piginnittup qimmini aasimannngippagu, piginnittumut taarsiissutitaqanngitsumik qimmeq toqunneqassaaq. Patsisissaqarluarluni qimmeq aaneqarsinnaanngippat, qimmiip aaneqarnissaanut piffissaliussap sivitsorneqarnissaanik qimminik nakkutilliisoq isumaqatiginiarneqassaaq.

## **Kapitali 6**

*Maalaaruteqarnerit*

**§ 19.** Qimmeqarnermut tunngatillugu maalaarutiginiakkat, kommunalbestyrelsimit nassiunneqartassapput. Malittarisassanut tunngatillugu maalaarutit politiinut nassiunneqartassapput.

## **Kapitali 7**

*Pineqaatissiissutaasinnaasut*

**§ 20.** Ileqqoreqqusamik matuminnga unioqqutitsisoqartillugu, Qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaanni § 28-mi imm. 2 naapertorlugu akiligassiisoqarsinnaavoq.

*Imm. 2.* Ileqqoreqqusamik matuminnga annertuumik arlaleriartumilluunniit unioqqutitsisoqartillugu, Qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaanni § 28-mi imm. 2 naapertorlugu uumasuuteqaaqusaajunnaarsitsisoqarsinnaallunilu uumasunik passussisinnaajunnaarsitsisoqarsinnaavoq.

## **Kapitali 8**

*Atuutilerfia*

**§ 21.** Ileqqorequsaq qaammammi atuuttussanngortinneqarfiusumi atuutilerpoq.

*Imm. 2.* Atuutilernera ilutigalugu Maniitsumi qimmeqarnermut qitsuuteqarnermullu ileqqorequsaq 2005-imi agustip 17-ianeersoq atorunnaarsinnejarpooq.

Taamaalilluni 2014-imi agustip 28-ani communalbestyrelsimit akuersissutigineqarpoq.



Hermann Berthelsen  
Borgmesteri

Matumuuna Qeqqata Kommuniani qimmeqarnermi ileqqoreqqusaq  
atuuttussanngortinneqarpoq.

*Namminersorlutik Oqartussat, ulloq* 11 02 2015

KARL-KRISTIAN KRUSE

Karl-Kristian Kruse

Aalisarnermut, Piniarnermut Nunalerinermullu Naalakkersuisoq